



Na osnovu člana 9. Zakona o kantonalnim ministarstvima i drugim tijelima kantonalne uprave ("Službene novine Hercegovacko-neretvanskog kantona", broj: 4/98, 1/02 i 4/07) i Odluke Vlade HNK broj: 01-1-02-1007/19 od 22.5.2019. godine, Ministarstvo obrazovanja, nauke, kulture i sporta HNK, **objavljuje**

JAVNI POZIV

za sufinansiranje djelatnosti i projekata iz oblasti SPORTA iz sredstava Ministarstva obrazovanja, nauke, kulture i sporta Hercegovacko-neretvanskog kantona

I. Pravo učestvovanja

Pravo učestvovanja na javnom pozivu imaju sva fizička lica koja su ostvarila izuzetne sportske rezultate, pravne osobe, organizacije i udruženja građana koja su registrovana kod nadležne institucije u HNK, za obavljanje poslova iz tražene djelatnosti i koje nemaju smetnje za učestvovanje na Javnom pozivu. Prednost kod raspodjele sredstava imaju organizatori sportskih takmičenja i sportski klubovi koji njeguju tradiciju sportskih disciplina duže od 3 godine.

Korisnici sredstava iz Budžeta HNK za 2018. godinu za Ministarstvo obrazovanja, nauke, kulture i sporta HNK s pozicije „Ostali izdaci za sport + uspješnim pojedincima (po odluci Vlade)“, koji su putem Javnog poziva dobili novčana sredstva, a koji nisu dostavili Izvještaj o utrošku novčanih sredstava utvrđen Tačkom IV. Odluke 01-1-02-2666/18 od 22.11.2018. godine, ne mogu učestvovati u raspodjeli novčanih sredstava planiranih u 2019. godini sa pozicije „Ostali izdaci za sport + uspješnim pojedincima (po odluci Vlade)“.

II. Obavezna dokumentacija:

- a. popunjen prijavni obrazac (obrazac se nalazi na web: www.monkshnk.gov.ba)
- b. kopija rješenja o upisu u registar nadležne institucije
- c. uvjerenje o poreskoj registraciji – identifikacioni broj, a za fizičko lice biografija sa dokumentacijom
- d. kopija ugovora s bankom ili potvrda od banke iz koje se vidi ko je vlasnik navedenog računa
- e. referenc lista
- f. projekat koji treba da sadrži: naziv projekta, opis projekta s ciljevima, indikatori učinka, broj učesnika, vrijeme trajanja, informacija o iznosu traženih sredstava, postignuti rezultati

III. Sredstva za realizaciju projekata iz oblasti sporta u iznosu od 237.600,00 KM dodijelit će se na osnovu bodovnih kriterija:

- za postignute rezultate omladinskih selekcija kategorisanih po značajnosti 0-100 bodova
- za klubove sa predpionirskom selekcijom 0-50 bodova
- za klubove sa pionirskom selekcijom 0-50 bodova
- za klubove sa kadetskom selekcijom 0-80 bodova
- za klubove sa juniorskom selekcijom 0-100 bodova
- sportska udruženja i klubovi koji duže od 3 godine obavljaju sportsku aktivnost 0-100 bodova
- za programe koji uključuju invalidne osobe i osobe s posebnim potrebama 0-100 bodova
- za programe koji uključuju specijalne oblike fizičke kulture (ronjenje, planinarenje i sl.) i druge sportove od društvenog interesa 0-50 bodova
- organizatori sportskih takmičenja međunarodnog karaktera od značaja za HNK 0-300 bodova
- organizatori sportskih takmičenja državnog nivoa od značaja za HNK 0-200 bodova
- organizatori sportskog takmičenja kantonalnog karaktera od značaja za HNK 0-150 bodova
- sportska takmičenja od izuzetne važnosti za HNK 0-500 bodova
- za izuzetne sportske rezultate pojedinaca 0-100 bodova
- prepoznatljivost rada i ostvarenih rezultata u medijima (printani, audio, video, linkovi,...) 0-200 bodova

IV. Obrazac za prijavu na ovaj Javni poziv može se preuzeti na Protokolu Ministarstva obrazovanja, nauke, kulture i sporta HNK, na web stranici Vlade HNK: www.vlada-hnz-k.ba i na web stranici Ministarstva obrazovanja, nauke, kulture i sporta HNK: www.monkshnk.gov.ba.

Popunjene prijave s pratećom dokumentacijom, sa obaveznom napomenom „Za Javni poziv iz oblasti sporta“, dostaviti lično ili poštom na adresu:

**Ministarstvo obrazovanja, nauke, kulture i sporta HNK
Stjepana Radića br. 3.
88000 Mostar**

Nepotpune i nepravodobne prijave neće se uzimati u razmatranje.
Rok za podnošenje prijava je 15 dana od dana objavljivanja u dnevnim novinama.